

INUIT ATAQATIGIIT

INATSISARTUNI



UKA2023/75

7. novembari 2023

Mariane Paviaisen

Nunatsinni inuiqaqtigiinni aalanerulernissamut qanoq

iliuuseqaqataasinjaaneq pillugu apeqquteqaat aallaavigalugu

oqallisissiatut siunnersuut

(Inatsisartunut ilaasortaq Lars Poulsen, Siumut)

Oqaaseqaat:

Inuit Ataqatigiit sinnerlugit oqallisissiortoq qutsavigaarpuit.

TV-reklame angajoqqaarsianngorusuttunut.

Pinaveersaartitsinermik suliaqartuni sunngiffimmi sammisassaqartitsinermik suliaqartunik illoqarfinni kommunit ataani atorfinititsisoqartarpoq. Taakkununnga aporfik anneq tassaarpasippoq ulluinnarni sammisaqartitsiniarnerminni ilinniartitsisussanik amigaateqartarneq.

Perorsaariaaseq qangaaniit atuuttoq allanngorsimaqaaq, uagut meeraanitsinni oqaaseq susassaaleqineq naluarput, timersortarfeganngikkaluarpugut taamanikkut pinngussanik, atortorissaarutinilluunniit peqarfionngitsumi peroriartorpugut, taamanikkut nammineq nassaarsiullaqqinneq aammalu ukiugut apeqqutaatillugit akisussaaffinnik tuniorarneqartarneq naliginnaasutinnejarnikuovoq.

Angajoqqaat meeqqami susassaqartinnissaannut annertuumik akisussaafeqaqataapput taamattuttaarlu peqqinnartumik inuuneqarnissaanik akisussaaffeqarpugut.

Ajoraluartumik ullutsinni oqaaseq susassaaleqineq atugaasorujussuuvoq, atortorissaaruterpassuit nassaasaalernikuupput, mobilit, tablettilt, computerit pinngussallu naassaanngitsumik nunatta avataaniit eqqussorneqarput, taamaakkaluartoq susassaaleqinermik oqartiartortoqartarluni, inuussuttuaqqani pinerlunniartarerit aqqutissatut atugaalersimapput, tamanna anigorniarlugu angajoqqaajusugut tamavitta akisussaaffeqarnerput timitalerlugut tigusariaqparput.

INUIT ATAQATIGIIT

INATSISARTUNI



Assersuutissaqqissutut oqaatigisariaqarpara savaatillit asimi meeqqaminnik perorsaariaasiat annertuumik maligassiuvisummat, timersortarfefeqanngillat, atuarfeqanngillat, kisianni meeraat susassaaleqinatik inuupput ulluinnarni angerlarsimaffiup ingerlalluarnissaannut peqataatinneqarlutik suleqataatinneqarlutillu perorsagaapput.

Ilinniarfissuarmi ilinniartitsissutigineqalernikuusoq atuartitsinermi aalaneq meeqqat atuarfianni ilinniartitsisunut ilinniartitsissutigineqalersimasoq isumalluarnartuuvoq, meeqqat atuarfianni aalanerulernermik ingerlatsisoqarnissaa kissaatiginarpoq.

Naalakkersuisut akissuteqaataani isumalluarnartutut oqaatigisariaqarpoq Nunatsinni Timersoqatigiit Kattuffiata anguniagaa 2023-mi nunatsinni aalatitsinerpaanngornissarput, tassanittaaq Timersortarfinnut tunngatillugu pioreersunik siunissamilu pisariaqartitanik misissuinissaq ilaatinneqarpoq, angusassat pillugit isumaqtigiiissut ilaatigut suliniutinik imaqarpoq isumaqtigiiissutaavoq tassanilu pisariaqartitanik misissuissasut.

Soorunami ullutsinnut naleqquttunik pioraanissaq pisariaqartuuvoq tassanilu suliniaqtigiiifiit assigiinngitsut kommunit susasaqartullu allat peqatigineqarsinnaapput.

Oqallisissiortumut qujanaq.